

杜

詩

闡

杜詩關第十五卷目

建遊

官軍收河南北

春日梓州

花底

柳邊

春日戲題

鄴城西原

題茅屋壁

泛江送客

送崔都水

陪李梓州

涪江泛舟

香積寺

送竇九

送路侍御

上牛頭寺

望牛頭寺

上堯率寺

望堯率寺

泛江

登牛頭山

惠義寺

送韋郎

送何侍御

艷曲

絕句

別馬巴州

短歌行

惠義寺園

巴西驛亭

又呈竇使君

東津送韋錄事

舟前小鶯

官池春雁

答楊梓州

柑園

漁陽

寄題草堂

宴南樓

臺上

送王判官

餞崔都督

章梓州水亭

新亭會送

章梓州橘亭

戲作

櫻拂子

送元二

送路使君

投簡

九日

薄暮

杜詩闢卷十五

同學王日藻却非氏

華亭盧元昌文子氏述

武林弟 璉漢華氏訂

梓州詩 廣德二年

遠遊

遠遊命題全是去蜀之想屈原不得志於懷王為賦遠遊

賸子何人記迷方着處家竹風連野色江沫擁春沙

四句遠遊

種藥扶衰老吟詩解歎嗟似聞胡騎走失喜問京華

四句自遣

賸子流落何人記憶亦所向皆迷到處為家而與野色春沙作伴耳况賸子老矣種藥自扶賸子窮矣吟詩自

解我數年無家只爲朝義未滅今聞官軍一擊敗走河北若果然耶從此京華可以晏然我賤子豈終迷方遠遊於此者殆無家而有家矣

聞官軍收河南河北

廣德元年正月官軍僕固瑒侯希逸等追史朝義朝義敗走縑於林中李懷仙取其首以獻河北諸州皆降先是懷恩進克東京及河陽城至鄭州再戰皆捷其陳留節度使張獻誠開門出降收河南在寶應元年冬收河北在廣德元年春

劍外忽傳收薊北初聞涕淚滿衣裳却看妻子愁何在漫

卷詩書喜欲狂

四句問時

白首放歌須縱酒青春作伴好還鄉

即從巴峽穿巫峽便下襄陽向洛陽

公自注余田園在東京○四句問後

我身羈劍外忽傳朝義已滅河南北皆收矣意中事若出意外意下可哀但念朝廷連年青旂師徒頻喪至今

方告成功可喜事翻覺可悲耳退看妻子妻子無恙初
間時涕淚滿衣裳至此而愁何在起卷詩書詩書如故
初間時涕淚滿衣裳至此而喜欲狂我久客越裝一身
而外但有妻子妻子而外但有詩書既卷詩書能無放
歌縱酒既看妻子便當結伴還鄉我田園在東京今由
東川至東京定須出峽道經襄水但峽江隘而險則穿
之襄水順而易則下之此行即從此
以穿彼便下此以向彼更無他阻矣

春日梓州登樓二首

行路難如此登樓望欲迷

二句登樓

身無却少壯跡有但羈棲

江水流城郭春風入鼓鞀雙雙新燕子依舊已銜泥

六句登樓

情景寫足春

日梓州四字

我行路既久熟知其難今日登樓一望雙眼欲迷耳所
以然者我萬里蒼茫他鄉流落所有者獨我身在顧身
亦老矣跡終滯矣少壯之身本我有者今也却無羈棲
之跡本我無者今也但有留滯如此顧此梓州江流宛

轉不離城郭。當此春日。東風消息。吹入鼓鞀。不獨此耳。
樓頭燕子。來尋故巢。依舊銜泥。雙雙棲宿。獨我少壯。不
再。羈縻終老。極目天涯。望眼
欲迷。與言及此。傷如之何。

天畔登樓眼。隨風入故園。戰場今始定。移柳更能存。四句

厭蜀交遊冷。思吳勝事繁。應須理舟楫。長嘯下荆門。四句

梓
去

我登樓望。欲述者以由天。畔望故園也。此時登樓之身。
不能歸故園。此時登樓之眼。亦不能即到故園。庶幾隨
風入故園耳。故園久作戰場。今曾定否。登樓之眼。隨風
而入。若見其今始定。故園昔曾移柳。今尚存否。登樓之
眼。隨風而入。若見其更能存。縱使果定。縱使果存。我故
園未得歸。亦豈能果送我。厭蜀故園之歸。似難更遲。我故
園未得歸。與會之遊。此行須決。蓋我性不厭冷。交遊斷
不可冷。我性不喜繁。勝事則不厭其繁。交遊冷。何堪再
接勝事。豈何容下住。蜀可去。吳可遊矣。遊吳必下荆門。
長嘯而下。此言不其然。心哉。勝事繁如壯遊。詩中王

謝風流閣廬上墓劍池石壁長洲菱荷趙太伯
憶勾踐想秦皇訪越女諸古蹟耳非繁華也

花底

紫萼扶千藥黃鬚照萬花

二句花

忽疑行暮雨何事入朝霞

恐是潘安縣堪留衛玠車

四句花底

深知好顏色莫作委泥沙

以諷意結

花外有萼將以扶藥花中有鬚反能映花我行其底疑
來暮雨有此翁鬚殊非朝霞有此綺鬚不然或是潘安
縣彷彿到河陽耶或駐衛玠車彷彿見璧人耶顏色則
好矣少焉紫萼推黃鬚褪則泥沙同委耳齊語此花慎
莫作泥沙之委哉

柳邊

只道梅花發那知柳亦新
枝總到池葉葉自開春
紫燕

時翻翼黃鸝不露身

六句

漢南應老盡灞上遠愁人

二句

梅柳二物本同時者人只道梅花獨發那知柳亦常新也枝枝下垂無不到地葉葉乘時自能開春况紫燕往來者枝動而時時翻翼黃鸝棲托者葉密而隱隱藏身柳亦新如此異日經秋搖落與時俱摧近看漢南應已老盡還思灞上亦復愁人柳亦安得常新哉○結二句見得在梓州固老歸長安亦愁總是自况

春日戲題惱郝使君兄

使君意氣凌霄霄

一句

憶昨歡娛常見招細馬時鳴金

驀裏佳人屢出董嬌嬌

二句

在東流江水西飛燕可惜春

光不相見願攜王趙兩紅顏再顰肌膚如素練通泉百里

近梓州請君一來聞我愁舞罷重看花滿面尊前還有錦

纏頭

六句在

使君意氣一何豪也。昨遊通泉常蒙見招。躍金鞍出松
松殊不一次。今我歸梓川。君在通泉。水東流。燕西飛。雖
有春光不能相見。然我不能赴通泉。再叙舊歡。使君似
可到梓川。重諧佳宴。使君何惜攜妓東來。開懷痛飲。此
時花枝入座。卽我興興頭。亦何靳爲使君多費也。○此
詩分前後兩截。前截曰。常見招非一招也。曰。細馬騎鳴
非一鳴也。曰。佳人屢出非一出也。後截曰。再騎肌膚前
已騎過也。曰。重看花面前已看過也。曰。還有纏頭前已
有過也。騁過思再騁。看過欲重看。有過誇還有。
是爲戲題。惻處都是戲處。戲處又都是惻處。

鄴城西原送李判官兄武判官弟赴成都府

憑高送所親。久坐惜芳辰。

二句送別

遠水非無浪。他山自有春。

野花隨處發。官柳着行新。

四句情景

天際傷愁別。離筵何太頻。

二句別意

登原送別。則憑高矣。一兄一弟。是所親也。當此芳辰。適
逢言別。雖曰久坐。能幾何時。此行將赴成都矣。於是憑

高而望水為遠水遠水之浪非不愁入山為他山他山之春亦足娛客不見野花處處點染行裝官柳行行逢迎祖道然則判官此去何傷之有獨憑高者對此芳辰天際難筵頻頻相值誠有難為情者

題鄴原郭三十二明府茅屋壁

江頭且繫船為爾獨相憐

獨相憐三字領至末

雲散灌壇雨春青彭

澤田頻驚適小國一擬問高天別後巴東路逢人幾問賢

江船臨行而且繫者為憐明府不忍遽行耳憐明府者其德政在鄴原也我繫船江頭但見雨因雲而散如呂尚之為灌壇令因當春而青如陶潛之為彭澤宰雨陽若田疇開明府德政如此夫豈百里才耶在明府數為小邑亦殫心供職我則頻驚代為問天何為如此才能便困下邑見今巴東一路明府之賢幾人問及所為獨相憐耳○茅屋壁三字便見廉吏梗概題詩茅屋壁以媿當時大吏不能如郭明府又歎為大吏者有賢能如郭明府不能薦之朝廷故一則曰為爾獨相憐以見無人倚郭明府一則曰一擬問高天以見并天亦不憐郭

明府一則曰逢人問幾
賢以見我獨憐郭明府

泛江送客

二月頻送客東津江欲平煙花山際重舟楫浪前輕

四句題面

淚逐勸盃落愁連吹笛生離筵不隔日那得易爲情

四句送客

情之

二月送客何頻頻也東津江水漸漸欲平此時泛江仰
而山際煙花濃濃其重俯而浪前舟楫滾滾其輕我送
客烏能無淚淚在盃先若隨勸盃而落亦焉得不愁愁
在笛外似連吹笛而生日日送客日日離筵夫豈易爲
情者江水悠悠知我心耳

奉送崔都水翁下峽

無數涪江筏鳴橈總發特別離終不久宗族忍相遺

四句

白狗黃牛峽朝雲暮雨祠所過懸問訊到日自題詩

四句下峽

行矣崔翁今由東川下峽西歸長安幸下峽者丹雘多
翁此行有共濟也翁下峽矣我行伊邇不過暫別况翁
族長安此行下峽亦不過為省親問眷耳從此經行處
有黃牛峽白狗峽有朝雲祠暮雨祠翁幸一一題詩使
我將來出峽憑此問訊翁某日過白狗黃牛峽某日過
朝雲暮雨祠知翁下峽安穩無恙即吾心亦慰矣○結
二句即張籍送道曲願君到處
自題名他日知君從此去意

陪李梓州王閬州蘇遂州李果州四使君登惠義寺

春日無人境虛空不住天鶯花隨世界樓閣倚山嶺

四句惠義

遲暮身何得登臨意惘然誰能解金印瀟灑共安禪

四句

陪使君之意

富春日為無人境寺寂矣凌虛空為不住天寺曠矣既
為無人境但有鶯花亦隨世界為古今既為不住天雖

有樓閣自倚山巔爲高下惠義寺若此我遲暮之身更有何事登臨之際祇覺惘然庶幾解脫塵緣安禪於此四使君者其懸金印各刺一州未識登寺時有此意否

涪江泛舟送韋班歸京得山字

追餞同舟日傷春一水間

二句泛江送客

飄零爲客久衰老羨君

還花雖重重樹雲輕處處山天涯故人少更益鬢毛斑

六句

邵蒙傷春

水間意

今日泛江追餞同舟亦暫一水之間傷春甚矣蓋由作東川爲時已久况當衰老歸闕無期於時一水間所見花雖重重樹雲輕處處山天涯故人少更益鬢毛斑爲此有無奈雲處處而故人則少花重重而鬢毛自斑爲此傷春一水間耳

涪城縣香積寺官閣

寺下春江深不流山腰官閣迴添愁二句點題含風翠篠孤雲

細背日丹楓萬木稠山腰之景小院迴廊春寂寂浴鳬飛鷺晚

悠悠官閣春江之景諸天合在藤蘿外昏黑應須到上頭挽迴添愁意

寺枕山斷其下臨江水一若深沈不流者然乃山腰則有官閣俯仰之間迴添愁矣山腰之景翠篠含風有若

孤雲獨展丹楓背日恍如萬木陰森若官閣中小院迴廊當春而寂無人到春江內浴鳬飛鷺向晚而若有餘

閒夫春江官閣總在寺下若寺枕山巔所謂諸天者尚出藤蘿之外計到山頭已應昏黑為此翹首添愁耳○

公時正在山腰官閣下俯涪江上想諸天不勝迴絕之歎自傷遲暮登峯難必過此以往未之或知說到昏黑

應須到上頭信乎迴添愁矣總是借寺寓言

送竇九歸成都

文章亦不盡竇子才縱橫非爾更苦節何人符大名二句文章

亦不讀書雲閣觀問絹錦官城二句賓子才縱橫我有浣花竹題

詩須一行結出歸成都

文章小道不足盡子乃子才則縱橫而難量也文章不足盡子者以子有苦節也有大名者未必有苦節則名不符實非子有此苦節孰能符此大名信乎文章抑末耳然而尚論古人既讀書雲閣擅絕丹青又問絹錦城才則真縱橫矣此行必過草堂我有溪竹幸為題詩夫竹本物之苦節者題詩亦子才之餘技賓子豈虛名哉

送路六侍御入朝

童穉情親四十年中間消息兩茫然二句追憶更為後會知何

日忽漫相逢是別筵二句入朝不分桃花紅勝錦生憎柳絮白

於綿劍南春色還無賴觸忤愁人到酒邊四句自歎

我與子四十年前童穉情親矣四十年中消息茫然矣四十年前誰料有此四十年四十年後豈尚有此四十

年信後會不知何日乃相逢又是別筵也四十年前對此花紅勝錦者爾我皆堪賞心何忿之有今老矣那得不忿四十年前對此絮白於綿者爾我皆不關心何惜之有今老矣能不生憎凡此桃紅絮白無非春色豈口無賴但待卻此行人朝致君對此春色尚有聊賴何妨留滯他鄉朝南春已北之入朝者還無聊賴耳想童顏情親之時不可再得憶四十年中之事但有茫然雖花紅絮白爛熳酒邊觸忤愁人彌添別恨而已○分作忿不忿言豈不忿也

也不忿是方言

上牛頭寺

青山意不盡

領下七句

袞袞上牛頭無復能拘礙真成浪出遊

花濃春寺靜竹細野風幽何處鶯啼切移時獨未休

青山亦易盡耳其意則不盡蓋以青山上有牛頭寺上此寺者袞袞不盡也我到此頓覺耳目曠障礙撤此番山遊真成放蕩無拘礙意以無邊幅能不盡矣浪出遊意以無住着能不盡矣青山有花花雖濃寺自靜物情

於靜處能見其不盡竹竹既細風亦幽世界於幽處能見其不盡不獨此也青山有鶯鶯啼未休亦似有不盡之意而宛轉移時但不知何處聞耳我上寺所聞見如此

望牛頭寺

牛頭見鶴林梯逕遙幽深春色浮山外天河宿殿陰傳燈

無白日布地有黃金

六句望

休作狂歌老回看不住心

結出所以

望意

古有鶴林寺今於牛頭恍見之其山逕繞梯幽深莫測矣青山之外春色遠浮竟不識山中有寺古殿之陰明河低宿恍疑是殿角連天因想寺中傳燈之光白日應暗布地之處黃金尚存惜乎我未皈依其處及今未晚尚捨狂歌轉不住心哉

上堽率寺

堯率知名寺真如會法堂江山有巴蜀棟宇自齊梁四句堯率
寺庾信哀雖久何顓好不忘白牛連遠近且欲上慈航寺

上寺之感

我久聞堯率名即真如法堂古佛所會處也此寺在巴蜀踞江山之勝江山無所不有兼有巴蜀蓋江山所及者大巴蜀為江山之一也此寺棟宇建自齊梁齊梁二帝皆佞佛建刹獨多故此寺棟宇遂傳至今一似齊梁暫棟宇常也我遇同庚信哀時雖久流落靡依跡類何顓好名不忘大覺未證荷得白牛大乘可渡迷津即上慈航去矣遠近非所計也○後漢何顓罹黨錮亡匿汝南公自歎踪跡有類何顓好不忘謂好名不忘舊註以何顓乃周顓之誤周顓好佛故公用之庾信未嘗好佛又何說耶

望堯率寺

牛頭是晚望
堯率是曉望

樹密當山徑江深隔寺門霏霏雲氣重閃閃浪花翻不復

知天大空餘見佛尊

六句望

時應清盥罷隨喜給孤園

二句望之意

兜率寺何在其山徑當密樹之交其寺門在深江之外
樹密則霏霏然若但見雲氣江深則閃閃然者只有浪花
夫惟天爲大望兜率而不見則諸天爲隱亦誰知其
大惟佛爲尊望兜率而不見則禮佛無由亦空有其尊
然則望之縹緲不如上之親切少焉清盥罷時終當隨
喜一登也○樹密當山徑蒙翳未擴之象江深隔寺門
彼岸未登之象霏霏雲氣重似性地欠光明閃閃浪花
翻似禪乘少靜趣不復知天大則失其本空餘見佛尊
則泥其末
都有微旨

泛江送魏十八倉曹還京因寄岑中允參范郎中季明

遲日深江永輕舟送別筵帝鄉愁緒外春色淚痕邊

四句送還

京見酒須相憶將詩莫浪傳若逢岑與范爲報各衰年

結到

明寄
范

暮春三月江水正深乘此輕舟送別何往蓋送君歸帝鄉也帝鄉何在愁緒爲牽春色依然淚痕作伴蓋今年三月玄肅二聖初葬山陵送君歸京何以爲情哉凡人見酒則忘願子把盃常憶從來詩能賈禍願子爲我慎旃惟岑范兩公煩爲寄語今日都非盛年竊恐人壽幾何無幾相見也

登牛頭山亭子

路出雙林外亭窺萬井中江城孤照日山谷遠含風

四句登亭

所見兵革身將老關河信不通猶殘數行淚忍對百花叢

四句

登亭所感

亭在寺表故其路迥出雙林外亭在山上故一登亭直窺萬井中此時憑高而望江城日色真覺孤懸憑高而聽山谷風聲不知何處我身老兵革恰斷關河流落窮年孤踪萬里今日僅餘雙淚沾灑花叢而已○猶殘數

行淚蒙前淚痕，
猶是舊君餘涕。

惠義寺送王少尹赴成都分得峯字

冉冉谷中寺，娟娟林表峯。欄干上處遠，結構坐來重。

四句
惠義

寺騎馬行春徑，衣冠起暮鐘。雲門青寂寂，此別惜相從。

四句

送王少尹

寺隱谷中不能振起，而冉冉然峯見林表，若能秀出而娟娟然，寺在谷中峯在林表，則欄干之峻上處已遠谷中，有寺林表有峯，則結構之妙坐來疊見。惠義寺如此始為少尹騎馬而來，下行春徑未幾，少尹衣冠而起，遂聞暮鐘，回首冉冉寺娟娟峯欄干何在，結構何在，但覺雲門寂寂耳，借此別安得從君同赴成都也。

送韋郎司直歸成都

公自注：余草堂在成都浣花里。

京身來蜀地，同病得韋郎。天下兵戈滿，江邊歲月長。

四句
自悲

亦筵花欲暮春日鬢俱蒼爲問南溪竹抽梢合過牆

四句送別

兼點自注

我自出華棄官竄身至此幸有韋郎同病相憐也竄身而久不歸者只因天下干戈到處未靖江邊歲月不覺愈長耳當此別筵花開欲暮况逢春日老鬢都蒼我草堂南溪舊曾栽竹今當春暮定有新梢計此時多應過牆矣子歸成都幸爲過訪勿虛此行哉

送何侍御歸朝

公自注李梓州泛舟筵上作

舟楫諸侯餞車輿使者歸山花相映發水鳥自孤飛

四句送

春日垂霜鬢天隅把繡衣故人從此去寥落寸心違

四句自傷

梓州是諸侯泛江而餞侍御舟楫具矣侍御是使者趨朝而歸長安車馬駕矣於時筵上山花自相映發所傷心者江邊水鳥寂寂孤飛耳春日非霜鬢時獨垂者何其苦繡衣非天隅客把別者欲其留蓋由君是故人故

人一去寸心彌遠我
之歸朝殆無日矣

敗唐李梓州泛江有女樂在諸舫戲為觀曲二首

李梓州何人女樂何物梓州泛江
女樂在舫戲為觀曲直是彈文

望江樓上望江樓
望江樓上望江樓
望江樓上望江樓
望江樓上望江樓

望江樓上望江樓
望江樓上望江樓
望江樓上望江樓
望江樓上望江樓

望江樓上望江樓
望江樓上望江樓
望江樓上望江樓
望江樓上望江樓

望江樓上望江樓
望江樓上望江樓
望江樓上望江樓
望江樓上望江樓

望江樓上望江樓
望江樓上望江樓
望江樓上望江樓
望江樓上望江樓

望江樓上望江樓
望江樓上望江樓
望江樓上望江樓
望江樓上望江樓

望江樓上望江樓
望江樓上望江樓
望江樓上望江樓
望江樓上望江樓

戲二句

女樂作而歌久矣歌袖差池之際白日已移若不知日
之暮也歌舞作而笛奏矣笛床交作之餘青霄爲近殊
不似人間境也於時曳袖度曲者翠袖傳其宛轉弄笛
成行者雲鬢寫其矜莊少焉歌舞畢盛筵散前此回空
時自今立馬而待晚山已黑前此滿近船者今回舟而
歸不水猶香話舫女伎譬彼野鴛鴦耳亮使君自有婦
豈下野鴛鴦不擇耦而亂其羣哉○以刺史日事泛江
且攜女樂荒於潘孟陽矣公諷李全在次章末二句彼
秦有羅敷使君期與共載羅敷深歎使君之愚答曰使
君自有婦羅敷自有夫公於梓州曰使君自有婦莫學
野鴛鴦豈非以李爲太守有化民善俗之職使野鴛包
菜付無感輓鼠不穿牆雉不求牡乃足嘉也彼鴛鴦匹
鳥自有定耦野鴛鴦有不然者使君而學
野鴛鴦何以化民善俗語似戲而實嚴

絕句

江邊踏青罷回首見旌旗風起春城暮

承踏
青句

高樓鼓角悲

永旌
旗

俗踏青殊足樂也回首旌旗何爲哉
風起而春色老旌旗動則鼓角震而高樓悲江邊回首
非無故矣

奉別馬巴州

公自注時甫除京兆功曹在東川

勳業終歸馬伏波功曹非復漢蕭何扁舟繫纜沙邊久南

國浮雲水上多獨把漁竿終遠去難隨鳥翼一相過

四句申明

功曹非復漢蕭何

知君未愛春湖色興在驪駒白玉珂

二句結還勳業終歸

馬伏波

古有伏波將軍其功業甚盛今巴州是也勳業終歸夫
豈久鬱鬱者若我雖除功曹非虞議之似漢蕭何蓋因
宦情久淡志在遠遊耳所以萬里東吳嘗繫沙邊竹
一晴富貴如看水上浮雲滿地江湖思作漁翁而竟之

心霄漢難隨鳥翼以翔荆獨愛春湖之色欲下湘吳
知白玉之珂再趨廷闕所以今日叨贊辭而不赴千
祿之興終讓巴州也若巴州者春湖之色亮非所受王
言出門白玉珂則趨朝馬飾時公圖出峽梓州登樓
長嘯下荆門送祁錄事曰江花未盡會江樓漁竿
非無謂也

短歌行送邛州祁錄事歸合州因寄蘇使君

前者途中一相見人事經年記君面後生相勸何寂寥君

有長才不貧賤

四句慰祁錄事

君今起樞春江流余亦沙邊貝小

舟

送一句

幸爲達書賢府主江花未盡會江樓

二句四詩蘇使君

憶昔偶然邂逅更人事紛紛乃經年之久記君面而
不忘者有故也誠念錄事後生後生可畏何寂寥之有
且有長才長才未有終貧賤者今歸合州起樞而往沙
邊片游予亦嘗登此地有蘇使君錄事此行先達我

書江樓照期尚在
江花未落時也

惠義寺園送辛員外二首

朱櫻此日垂朱實郭外誰家負郭田

二句惠義寺園

萬里相逢貪

握手高才仰望足離筵

二句送

我饒員外於此別裏朱櫻已垂朱實蓋初夏也園在郭外員郭諸山豈我有耶幸與員外萬里相逢正貪握手況員外才高使人仰望者今此離筵庶幾當之無愧二○朱櫻此日垂朱實見時日將夏客終留滯郭外誰家負郭田言出園雖好非我故鄉

雙峯寂寂對春臺萬竹青青照客杯細草留連侵坐軟殘

花悵望近人開

四句追叙別筵

同舟昨日何由得並馬今朝未暇

回直到綿州始分首江邊樹裏共誰來

四句寫在道

猶想惠義寺園雙峯對牀萬竹浮盃此時細草堪憐
留連不舍者為其侵坐軟也殘花可惜吾悵望不勝
為其近人開也此昨日事耳寺園叙後隨即登舟昨日
同舟不可再得是昨日猶未別也登舟而後隨即生馬
今朝雖行猶當並驅是今朝猶未別也直到綿州始期
分首此際一西川一東川去則同去來則獨來江邊樹
裏形影誰憐耶○萬竹
本漢書橘千頭竹萬箇

巴西驛亭觀江漲呈竇使君

宿雨南江漲波濤亂遠峯孤亭凌噴薄萬井逼春容霄漢

愁高鳥泥沙困老龍

六句江漲

天邊同客舍攜我豁心胷

二句觀漲

呈竇使君

綿江何漲宿雨為之耳波濤所及直逼遠峯於時水勢
激射象為噴薄孤亭幸在水上尚能凌之水勢衝蕩象
為春容萬井近在水邊能無逼耶所幸者高鳥在霄漢
問耳然亦愁江漲而無山下食所喜者蛟龍以水為居

耳然水愈上則泥沙愈下老龍膠固不能出而亦受困
高鳥愁老龍困我之心亂焉得而語幸有使君攜我同
觀得快然一歸云○春客者擊鐘每一聲爲一客以喻
水勢衝擊之狀徐緩不迫晚唐鄭絪寒夜聞霜鐘有春
容時未
歇每

又呈寶使君二首

轉驚波作惡卽恐岸隨流賴有杯中物還同海上鷗關心

小剡縣傍眼見揚州二句應爲接情人飲朝來減片愁二句

應次

我意江漲少止乃波轉作惡只恐岸亦隨流去耳賴有
杯酒可醒使身如海鷗聽其所之然似此洪波關心之
處剡縣爲小鑑湖不足道也傍眼所及揚州在前大江
不是過也所以轉驚耳猶幸使君是情人情人共飲片
愁少釋然則杯中物信足自遣海上鷗終許同遊哉
○公吳越之遊每飯不忘故關心傍眼便作是觀

向晚波微綠連空岸脚青

二句漲退

日兼春有暮愁與醉無醒

漂泊猶杯酒踟躕此驛亭相看萬里別同是一浮萍

六句

向晚而漲退矣波凝微綠即岸脚亦映天光而青色馬向晚則日暮不獨日暮與春兼暮春暮則愁深一似愁深與醉無醒雖則無醒漂泊之餘終賴杯酒雖有杯酒驛亭之上不免踟躕所以然者我與使君萬里作客同是浮萍漲水雖退如長別何

東津送韋諷攝園州錄事

聞說江山好憐君吏隱兼寵行舟遠泛惜別酒頻添

四句送別

推薦非承乏操持必去嫌他時如按縣不得漫陶潛

四句泰送

之意

吾聞園州江山天下所稀必吏隱兼者蓋茲方稱君真其人哉我泛津而送雖寵君行亦憐別緒况今日朝廷

推薦非盡賢才。不過地方員缺。推薦一二。以承其乏。若
則不然。乃操持則當自顧。必四知是凜絕去嫌疑。乃為
賢耳。古有陶潛亦兼吏隱。他時按縣若得陶
潛其人。可如往年督郵使有折腰之事哉。

舟前小鷺兒

公自注漢州城西北角官池作

官池乃房琯罷相後。歷漢州刺史時所鑿。增以後名爲
房公湖。公過漢州在廣德元年暮春。房公被召矣。鷺兒
春牋不無微詞。

鷺兒黃似酒對酒愛新鷺

一句點鷺

引頸噴船逼無行亂眼多

開適宿雨力小困滄波

四句

客散層城暮狐狸奈若何

危之

官池鷺兒色黃似酒。漢中之酒有名。鷺黃者。吾對鷺憶
酒對酒轉愛鷺也。舟前見之。頗怪其引頸而噴。船之逼
又怪其無行而亂眼者。多有時翅開。適雨思曠。無如力
小。因波終沒。少焉舟回。客散。此城西北角。豈無狐狸。日

暮遭之亦奈何哉○引頸諷其貪無行諷其躁翅開諷其不自斂力小諷其不自量客散孤乘危其權移勢去禍隨之也此似為董庭蘭一輩言

官池春雁二首

自古稻梁多不足至今鴻鴈亂為羣二句傷其失時且休悵望看

春水更恐歸飛隔暮雪二句諷其知止

雁謀稻梁今日不足願不遂矣雁非鴻鴈今與為羣亂其類矣雁不飛雲漢而在官池似有悵望且休悵望只恐歸時尚有暮雪之隔終不得遂其志耳○首二句傷房公罷相為刺史祿位兩失後二句諷房公被召還朝恐其終不免也

青春欲盡急還鄉紫塞寧論尚有霜二句諷之翅在雲天終不

青春欲盡急還鄉紫塞寧論尚有霜二句諷之

離當春思歸亦急欲還鄉耳寧論紫雲有霜况翅猶在也何患雲天終遠但恐力微增縵之加出於不意此後正須深防云○此傷房公歸朝雖謫人尚在而不顧房以賀蘭進明之譏至於放逐是相繼須防者

答楊梓州

悶到楊公池水頭坐逢楊子鎮東州却向青谿不相見

應首

句
回船應載阿戎遊

應次

此地有楊公池吾到池頭不勝其悶幸逢楊子來鎮東州耳何以悶不見楊公但見此池向青谿而寂寂故也既逢楊子從此回船應載阿戎與之共遊悶解矣哉○傷公也蔡夢弼謂楊梓州先人嘗鎮梓州鑿池引水在青谿西今子又鎮此州故有阿戎句蓋王戎爲王渾子謂楊梓州爲阿戎地詩中有其父可知向青谿而不見正是問意却向青谿不相見申明悶到楊公池水頭回船應載阿戎遊承足坐逢楊子鎮東州蓋不見其父喜其子也

在房公

柑園

春日清江岸千柑二頃園青雲羞葉密白雪避花繁

四句世

結子隨邊使開筒近至尊後於桃李熟終得獻金門

四句世

川俗以柑為田故江岸柑園廣有二頃今纔有葉葉青

而密能使青雲羞今纔有花而繁能使白雪避他

日若結子則隨邊使不煩驛騎之傳如生致荔枝之事

開筒則近至尊無過土物之貢如厥包橘柚之常計

果中豈無桃李先時而熟亦思獻金門而未可必也

之熟雖後桃李原無與物爭時之意柑之獻終及金

明則何至有遐

棄之悲哉

漁陽

漁陽突騎猶精銳赫赫雍王都節制猛將飄然恐後時本

朝不入非高計

四句已然事

祿山北築雄武城舊防敗走歸其

營

二句借祿山以警諸將

繫書請問燕耆舊今日何須十萬兵

二句將來事

先是漁陽為安史巢穴自雍王太子适為天下元帥漁陽精銳盡為所統無不在節制中矣猛將如李懷仙斬史朝義首以幽州降薛嵩田承嗣等皆稟後至之誅盡以管內地降本朝者誠知不入本朝為失計耳彼范陽舊為祿山時兵儲糧地築雄武城為郡塹以防敗走而竟不保此河北諸藩所由盡歸本朝哉然則今日大勢河北諸將可令悉解兵權繫書一問彼燕父老必以休兵為善又何須十萬師煩此諸鎮為也○末二句似為僕因懷恩發廣德元年春河北諸州已降懷恩恐賊平寵衰留薛嵩等分帥河北自為黨援公曰繫書請問燕耆舊今日何須十萬兵直欲以片紙消弭之河北諸帥皆可撤去此即郭子儀請罷諸鎮意此策不行河北諸藩竟貽患數十年漁陽結二語真石畫也

寄題江外草堂

公自江梓州作寄成都故居

我生性放誕雅欲逃自然嗜酒愛風竹卜居此林泉

四句一篇

之遭亂到蜀江臥疴遣所便誅茅初一畝廣地方連延經

營上元始斷手寶應年敗謀土木麗自覺面勢堅臺亭隨

高下敞豁當清川雖有會心侶數能同釣船干戈未偃息

安得酣歌眠以上叙卜居草堂蛟龍無定窟黃鵠摩蒼天古來賢

達士寧受外物牽顧惟魯鈍姿豈識悔吝先偶攜老妻去

慘澹凌風煙事迹毋固必幽貞愧雙全以上去草堂尚念四小

松蔓草易拘纏霜骨不堪長永為鄰里憐以四松結自況

我性不羈生而放謫委心任運覺天地間有無容計較

者亦嘗欲逃諸自然耳惟是性生嗜酒風竹為緣於成

都郭外有浣花草堂之下顧我有此草堂亦非得已祇

因遭時離亂流落蜀江時復臥疴便宜行事因之茅草

郊外曠地塹西經始上元固不為亟落成寶應亦不為

遲土木之麗非我思存面勢之堅自覺遂意隨高下而

點綴亭臺無用結構也臨江流而愛其疎豁無事疏鑿也豈無會心之侶同遊把釣無奈世亂之甚不遂酣眠我營草堂一任自然而已昔爲避亂而到蜀江者今又避亂而去成都焉彼蛟龍出沒原無定居黃鵠翔翔長思遠舉人而懷土牽於外物有愧賢達矣惟是魯純性成幾先萌昧知道亂起攜妻遠行慘澹風煙流離已極猶幸率任自然毋固毋必去蜀入梓行止無碍所由身免亂賊幽貞苟全夫亦得力於平生能逃自然耳竊想經營草堂時手植數種極不忘者四松尚小倘纏蔓草則數寸霜根一朝頓繁我縱未歸其如鄰里痛惜何○此詩大意盡於葛常之詩話然謂公避成都之亂不來梓園其心當在草堂戀戀不捨如田舍翁一棧一茅寢食以之者須知天地逆旅日月過客公嘗曰茅齋付秋草又曰浣花草堂亦何有世尊塵埃棟梁摧頽公每念不忘君國則有之草堂則未也故知此詩當以雅欲逃自然一句爲主自然者毋固毋必隨遇而安無入不得故以自然起以毋固必結夫豈沾沾一草堂者

陪章留後侍御宴南樓得風字

嚴武去後東川使節虛懸以章奏爲留後公論巴蜀安危表云留後之寄綿歷歲時非所以塞衆望也公於章奏多諷辭後奏卒爲嚴武殺

絕域長夏晚茲樓清宴同朝廷燒棧北鼓角漏天東

頂絕城句

屢食將軍第仍騎御史驄

承清宴句

本無丹竈術那免白頭翁

冠盜狂歌外形骸痛飲中

自歎

野雲低渡水簷雨細隨風

南樓

夏景

出號江城黑題詩蠟炬紅此身醒復醉不擬哭途窮

畢宴

事情

東川爲絕域當此長夏得同留後清宴於此絕域則朝廷遼闊遠在燒棧北鼓角亂鳴常在漏天東清宴則我於將軍之第屢食有慙况此御史之驄常叨與共自歎却老無丹搔頭有白惟是關山冠盜不入嘯歌之中土木形骸但付酒盃之內耳今日南樓長夏對此野雲消暑簷雨侵涼留後已出號而留門江城將黑老夫方題

詩而紀宴。蠟炬初紅。自笑此身醒而復醉。既與醉鄉爲伍。又何窮途足慟哉。○章蕤爲留後。不能乃心王室。觀公冬狩行諸詩。可見公示之曰。朝廷伊邇。只在燒棧北。章應北而致主。勿以長安爲絕遠。章校傲禽荒。不以封疆爲事。公警之曰。鼓角不遠。已在漏天東。章應慎固封守。勿以封疆爲無事。語意可參。出號夜傳號令。以出凡用兵下營。必就主帥取號而行。以備緩急相應。如玄宗誅韋后。逮夜。葛福順請號而行。卽邢絳之亂。揚國忠之儼密謂國忠曰。賊有號。不可戰。凡有記號。以相別識。皆謂之號。

臺上得涼字

改席臺能迥留門月復光。雲霄遺暑濕山谷。進風涼。

四句題面

老去一盃足。誰憐屢舞長。何須把官燭。似惱鬢毛蒼。

四句自叙

前樓之席。改於臺上。迥矣。旣出號而留門。乃夜深而月復光焉。臺迥。故其高在雲霄上。暑濕誰侵。且直據山谷。間臥涼自進。但我老去之人。一盃已足。屢舞之興。誰惜其狂。江城黑。則須蠟炬紅。旣留門而月復光。官燭何爲。

者是官燭不足增月光適足惱
鬢毛耳鬢毛已蒼何勞燭照哉

送王十五判官扶侍還黔中得開字

大家東征逐子回風生洲渚錦帆開青青竹笋迎船入白

白江魚入饌來

四句
扶侍

離別不堪無限意艱危須仗濟時才

黔陽信使應稀少莫怪頻頻勸酒盃

四句
送別

昔漢曹大家隨子至官作東征賦判官之母卽大家也
其東征者以隨子回家而風生洲渚錦帆爲開矣於時
帆前竹笋迎船而出一似感判官之孝養而出者渚裏
江魚入饌而來一似感判官之孝養而來者豈非母爲
大家判官亦不媿孟宗姜詩哉今當言別爲意無窮時
值艱難需才最急此去黔陽天南地北信使難通今日
酒盃何惜頻勸判
官尚早出濟時也

陪章留後惠義寺餞嘉州崔都督赴州

中軍待上客今肅事有恒前驅入寶地祖帳飄金繩南陌

既留歡茲山亦深登清閣樹杪磬遠謁雲端僧八句惠義寺餞宴

回策非新岸所攀仍舊藤耳激洞門廳目存寒谷氷出塵

悶軌躅畢景遺炎蒸六句宴畢而回永願坐長夏將衰棲大乘羈

旅惜宴會艱難懷友朋勞生共幾何離恨兼相仍六句自歎

中軍餞客其餞行諸事皆有常規亦既下令肅然矣於時前驅入諸天之地祖帳映金繩而飄乃南陌宴撤復

惠義寺者蓋一問樹杪之磬來謁雲端之僧耳少焉回騎所遵者舊路所攀者舊藤洞門之廳入耳如激寒

谷之氷觸目而涼信乎此地出塵俗客不到登臨至晚炎蒸頓失我願避暑於此棲息忘年所可慨者羈旅之

人嘉會不再艱危之日良友難得人生幾何堪此離恨重重耶

亭梓州水亭

公自注時漢中王兼道士席謙在會同用何字韵

城晚通雲霧亭深到菱荷吏人橋外少秋水席邊多

四句水亭

近屬淮王至高門薊子過

二句自注

荊州愛山簡我醉亦長歌

以陪宴結

亭傍城邊晚通雲霧亭跨池上深逼菱荷亭與廳事遠矣吏人守之繕康不堪今幸其少且喜眼前無俗物在水一方伊人宛在今快其多竊喜座中有名士彼淮王好服食神仙之事今漢中絕葦斷酒有其高致矣彼薊子多神異之術公卿倒屣而迎今道士彈碁其品第一有其殊術矣梓州卽山簡梓人愛梓州猶襄陽人愛山簡山簡鎮襄陽遊習池置酒輒醉襄陽人歌曰日夕倒載歸臨酹無所知今我亦竊比襄陽人以此歌贈梓州水亭之會真習池也

陪章留後新亭會送諸君

新亭有高會行子得良時

二句領至末

日動映江幕風鳴排檻

旗絕葦終不改勸酒欲無詞已墮峴山淚因題零雨詩

新亭有此高會者以諸君卜吉啓行也於時張於亭上者有幕江波映焉日與俱動列於亭前者有旗風聲憑焉旗與俱響座中有絕葦者久應改矣乃不改如故且斷酒也葦雖絕乎猶願酒則勿辭此時諸君將發留者應墮羊公峴山之淚送者皆作子荆零雨之詩一時去留難爲情有如此○時必漢中王亦在會王絕葦卽酒公前戲題曰江魚美可求茲曰絕葦終不改前戲題曰忍斷杯中物茲曰勸酒欲無詞無詞者無詞以解免也據水亭之會公注漢中王在會新亭之餞王在可知

章梓州橘亭餞成都賈少尹得涼字

秋日野亭千橘香玉杯錦席高雲涼主人送客何所作公

注音

行酒賦詩殊未央

以上章梓州餞宴

衰老應爲難離別對聲

此去有輝光預傳籍籍新京兆青史無勞數趙張

四句寫送別意

亭橋飄香秋雲散暑玉盃送酒錦席延賓主人有逸興
矣此時送客之外更有何事惟有飲酒賦詩耳衰老如
余何以爲情念少尹向蒞成都賢聲素著此去長安輝
光可知今日以舊少尹還朝他日以新京兆除職籍籍
口碑可爲少尹早卜者是青史趙張不足數目前趙張
直足傳也老人願望惟此而已○東川絕域刺史多豪
舉如李梓州有玉袖金盃之艷章梓州有玉盃錦席之
華亦足見此地天隅斗絕戎馬不交作宦者優悠應仕
此高崇文謂川中乃宰相回翔之地也

戲作寄上漢中王二首

公自注王
新誕明珠

雲裏不聞雙雁過汝陽已薨掌中貪見一珠新新誕明珠秋風嫋嫋

吹江漢只在他鄉何處人二句感懷

王兄薨於天寶九載雙雁不聞矣所喜者王珠新誕耳
但今江漢上秋風嫋嫋殊切飄零之感吾與王同在他
鄉不知竟作何處人亦足悲矣○只在他鄉謂王今貶
蓬州何處人謂王本天屬藩王今作何處人深痛之也

謝安舟楫風還起梁苑池臺雪欲飛二句言杳杳東山攜

妓去承謝安句泠泠脩竹待王歸承梁苑句

昔者謝安泛海雖舟楫自若風還起也况梁苑池臺此時雪亦欲飛乎風還起雪欲飛王歸何日耶當謝安高臥東山屬蒼生之望曰安石不出如蒼生何乃謝安攜妓惟事遊賞杳杳然不以朝寄爲念誠思宦海風波有傾舟摧楫之虞不如攜妓東山聊以行樂也漢中今日何獨不然彼梁苑雪飛歲云暮矣雖朝廷無勅王還旆之時但恐苑脩竹泠泠向晚久待王歸耳謝安舟楫風還起風可畏矣杳杳東山攜妓去風波何慮焉梁苑池臺雪欲飛雪堪傷矣泠泠脩竹待王歸王其終歸藩邸哉

櫻拂子

櫻拂且薄陋豈知身效能不堪代白羽有足除蒼蠅熒熒金錯刀擢擢朱絲繩非獨顏色好亦用顧盼稱以上樓拂子我

老抱疾病家貧臥炎蒸
咂膚倦撲滅顏爾甘服膺
物微世競棄義在誰肯徵
三歲清秋至未敢關緘滕

以上搜拂未可棄

莫薄陋於搜拂亦誰知其身有效能於人者在當此長夏人所羨者白羽扇搜拂薄陋不堪代之當此長夏最可憎者青蠅蠹搜拂効能却能除之其柄金錯爚爚然也其繩朱絲濯濯然也豈騁顏色亦副主人之顧盼耳我年老貧病際此炎蒸之蟲咂膚賴爾撲滅誠然服之無數無奈世情不終謂此薄陋之姿因而競棄雖有効能之義誰復肯徵我憶其前功與爲終始已歷三歲每當秋至緘滕益固者誠念炎暑清秋迭相循環豈以過時遂見棄耶○蒼蠅比小人有足除蒼蠅真有取彼謂人投畀豺虎意物微世競棄義在誰肯徵所感正深

送元二適江左

亂後今相見秋深復遠行
風塵爲客日江海送君情

四句送

晉室丹陽尹公孫白帝城

二句叙所經行處

經過自愛惜取次莫

論兵二句
規諷

亂後不易相見今喜相見秋深何必遽行乃復遠行蓋
風塵為客失足最易江海送君不能為情者正為此耳
子此行必適丹陽昔有丹陽尹如溫嶠曾發王敦逆謀
忠於晉室子此行必經白帝城昔有公孫述據蜀攻魚
復為白帝城此僞偽者今日節度叛服不常藩鎮驕恣
不法如王敦公孫述比比皆是子此行亦當擇主而事
善守其身勿開口論兵賈禍失足也○考元二嘗應
孫吳科舉其為人必喜談兵故戒之曰取次莫論兵

送陵州路使君之任

王室比多難高官皆武臣幽燕通使者岳牧用詞人四句起

使君國待賢良急君當拔擢新佩刀成氣象行蓋出風塵四句

之任戰伐乾坤破瘡痍府庫貧衆察宜潔白萬役但平均四句

勉之霄漢瞻佳士泥塗任此身秋天正搖落回首大江濱四句

別送

朝廷自安史之亂岳牧高官皆用武臣今河南北已收
幽燕等處繞通使者於是武臣輕文人重方鎮牧伯復
用詞人宜使君乘時起按擢新耳今日出守陵州佩呂
虔之刀自威氣象張刺史之蓋作牧風塵詞人之任風
槩如此但陵州一帶夷獠陷後今雖初定瘡痍未平使
君此行表帥衆寮宜潔白以勵已調停衆役宜均平以
惠民則稱職矣從此霄漢而上看汝翱翔泥塗之中
聽予沮沒今日清秋天氣萬象搖落使君之任時尚能
回首江濱否也○廣德元年六月初廷用楊綰議發帖
括取行實明經進士俱停最爲近古七月又以行之既
久不可遽改用詞人爲岳牧公意正謂岳牧作鎮方州
軍民皆其所屬非詞人可勝任者岳牧用詞人似諷語
投簡梓州幕府兼簡韋十郎官

幕下郎官安穩無秋來不奉一行書

二句我疎韋

因知貧病人

須棄能使韋郎跡也疎

二句韋疎我

幕下郎官安穩與否我何由知蓋奉書則知不知者以
秋來不奉尺書耳不奉書者緣知貧病之人久爲人棄
所出我不奉書能使韋郎之跡亦於我而疎也○貧病
而人跡疎此其常也但恐人跡疎已不耐其疎耳公曰
從來不奉一行書正是能使其疎之故能使人不疎
是何等人能使人疎是何等人寧爲能使人疎者
九日

去年登高鄴縣北今日重在涪江濱苦遭白髮不相放羞
見黃花無數新世亂鬱鬱久爲客路難悠悠常傍人六句

酒闌却憶十年事腸斷驪山清路塵二句往

事之感

我入梓州兩度重陽矣往歲登高曾在梓州之鄴縣北
今年九日仍在梓州之涪江濱何留滯耶白髮之多日
復一日何苦而不相放黃花之開年復一年雖新亦蓋
見之所以然者世亂之故久客無家行路之難不能自
立耳然我登高感懷不自去年今日在十年以前矣不
但鄴縣涪江在驪山道矣酒闌回首曾幾何時驪山

清路不可
復識耶

薄暮

江水最深地山雲薄暮時寒花隱亂草宿鳥擇深枝

四句薄暮

之舊國見何日高秋心苦悲人生不再好鬢髮白成絲

四句

薄暮
之情

俯見江水最深仰見山雲薄暮時地感人矣此地寒花
幸隱亂草此時宿鳥定擇深枝不隱亂草寒花之
迷必擇深枝宿鳥之害斯遠顧此江水最深地非
也舊國始無時見矣顧此山雲薄暮時正高秋也
徒苦悲秋耳或者我生再少尚
有可爲看此鬢絲必不能矣

杜詩闡卷十五終

杜詩剛第十六卷目

薄遊

王開州筵

開州送

閬州東樓

放船

與嚴二別

贈裴南部

鄭典設

對雨

遣憂

巴山

黃草

歲暮

愁坐

警齋

王命

西山

征夫

早花

發閬州

舍弟占歸

冬狩行

山寺

寄裴施州

桃竹杖引

將適吳楚

江陵望幸

將赴荆南

遊子

逃難

行次鹽亭

倚杖

閬山歌

閬水歌

陪王使君

城上

送李卿

釋悶

傷春

收京

巴西聞收京

送司馬

杜詩闡卷十六

同學王日藻却非氏

華亭盧元昌文子氏述

武林弟 璉漢華氏訂

聞州詩 廣德元年

薄遊

浙浙風生砌團團月隱墻遙空秋雁沒半嶺暮雲長

四句薄遊

之病葉多先墜寒花只暫香巴城添淚眼今夕復秋光

四句

薄遊之感

風生於砌浙浙有聲月隱於墻團團有狀况遙空之處秋雁已沒半嶺之際暮雲偏長秋景佳矣惟是葉之病

者遇秋先飄花之寒者雖香不久我來巴閬淚眼
幾添今夕秋光感人更甚其如此病葉寒花何

王閬州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤

以上王閬

州筵良會不復久此生何太勞窮愁但有骨羣盜尚如毛我

舅惜分手使君寒贈袍沙頭暮黃鶴失侶亦哀號

以上奉酬惜別

高秋聲色滿崖壑間別意與萬壑千崖俱高深矣閬州使君爲餞十一舅浮舟出郭置酒臨江所可惜者良會不再生別爲勞耳况我輩窮愁俱已撇骨游內羣盜尚爾如毛何當客袂之分重以綈袍之贈沙頭黃鶴失侶悲號彌助渭陽之戚矣○窮愁但有骨言窮愁中但有骨可恃夫久客依人易致蹉跌公流落劍南狼狽已極然於體武則必致其枉駕於郭英又則意氣不合拂衣去之在梓則李梓州章留後詞色未嘗少挫所以邊頭公卿之驕不敢驕於公肥肉大酒之要公不屑其要厚祿故人之盡聽其斷絕恒飢穉子之色任其淒涼亦窮

愁有骨矣此句直與萬壑
樹聲比壯千崖秋氣爭高

閬州奉送二十四舅使自京赴任青城

聞道王喬舄名因太史傳如何碧雞使把詔紫微天四句自京

赴青城任秦嶺愁回馬涪江醉泛船青城漫污雜我舅意淒然

四句閬州奉送

爲今未嘗不可如王喬仙令名傳太史舅氏青城之任
是卽王喬可惜者舅氏以天使忽奉此命爲左遷耳蓋
此碧雞使乃來自紫微天把天子詔布命還方者自宜
過秦嶺入京師以報命天子今回秦嶺之馬却赴青城
旣愁回馬且醉涪江耳惟是青城治所俗汚民雜以枳
棘棲鸞鳳似屬不堪亦安能免於戚戚矣○當時縉紳
皆樂內官不喜外任故公有感詩
有領郡輒無色語送舅亦此意云

閬州東樓筵奉送十一舅往青城縣得昏字

赴青城任者二十四舅十一舅偕之往耳
前王閬州筵是奉酬此東樓筵機送別

曾城有高樓制古丹雘存迢迢百餘尺豁達開四門雖有

車馬客而無人世喧遊目俯大江列筵慰別魂

八句東樓筵

是

時秋冬交節往顏色昏天寒鳥獸伏霜露在草根今我送

舅氏萬感集清尊豈伊山川間回首盜賊繁高賢意不服

王命久崩奔臨風欲慟哭聲出還復吞

以上送別情事

閬州有十二樓皆滕王元嬰刺閬時建東樓亦一也樓
枕城隅制作甚古年代雖久丹雘依然高百尺而臨江
開四門而納客雖為衣冠祖餞之所實異城市喧囂之
區所以臨流設宴聊慰別悵耳惟是時值冬初秋色黯
淡鳥獸伏霜露凝何為舅氏偏遠行也不但山川間之
抑且盜賊充斥乃高賢之意不敢緩者以二十四舅之
任青城王命在身崩奔恐棘耳我
送舅氏臨風哽咽無淚可揮矣

放船

送客蒼溪縣山寒雨不開直愁騎馬滑故作泛舟回

四句放船

青惜峯巒過黃知橘柚來

二句景

江流大自在坐穩興悠哉

結挽次聯

間中有蒼溪縣我送客於此適值山寒雨阻勢不能騎馬歸矣因而泛舟泛舟時回首送客寒山之處峯巒已過極目蒼溪郭外之景橘柚又來凡物過者可惜如此峯巒來者焉知如此橘柚惜其過不可復追知其來無須逆料我放船而適所見如此假使騎馬安得有此自在而悠悠坐穩領畧此舟前佳景也

與嚴二歸奉禮別

別君誰暖眼將老病纏身出涕同斜日臨風看去塵

四句臨別

商歌還入夜巴俗自爲鄰尙愧微軀在遙聞盛禮新山東

羣盜散闕下受降頻諸將歸應盡題書報旅人八句別後情事

我客閩中幸有君在君去冷眼相看老病誰惜所由潛
焉出涕斜日同揮竚立臨風行塵俱遠也從此商歌獨
聽巴俗為鄰猶幸老病之餘微軀尚在朝廷盛禮得以
相聞自中興以來朝廷屢行盛禮君歸掌禮盛禮之新
所有事者而况山東來瑱既誅戎者皆返河北朝義亦
滅賊將皆降各鎮班師至尊受賀君奉禮之暇幸題書
報我燕今日出涕臨風之痛亦差慰云

贈裴南部聞袁判官自來欲有按問

塵滿萊蕪饌堂橫子賤琴人皆知飲水公輩不偷金四句贈裴

梁獄書應作公自注泰臺鏡欲臨點裴判官獨醒時所嫉羣小

謗能深卽出黃沙在應須白髮侵使君傳舊德已見直繩

心六句按問雪任

宛哉南郡唐酒儼是范丹也堂橫琴是子賤也知有本
則鄧攸不貪無人不悉不偷金則不疑惜金人當自明
南部廉潔如此奈被誣何昔者鄒陽被羊勝等誣獄中
上書得出秦始皇有方鏡照人心膽南部坐枉猶之鄒
陽判官來雪其枉無與秦鏡也南部何以被誣正坐獨
醒之故既爾獨醒宜來羣小之譏幸逢判官黃沙之內
自當卽出世白髮之侵不免更添耳南部爲衣冠名族
世有舊德况秉心如繩按問卽見小人之謗何真景耶
○按白居易詩有勤操丹筆念黃沙莫使飢寒
囚滯獄黃沙應指囚囚地故曰卽出黃沙在

鄭典設自施州歸

我憐棗陽秀冒暑初有適名賢慎出處不肯妄行役旅茲
殊俗遠竟以屢空迫南謁裴施州氣合無險僻攀援懸根
木登頓入天石青山自一川城郭洗憂感以上追叙
往施州時聽子
話此邦令我心悅懌其俗則純朴不知有主客溫溫諸侯

門禮亦如古昔勅厨倍常羞盃盤頗狼籍時雖屬喪亂事

貴賞匹敵中宵愜良會裴鄭非遠戚羣書一萬卷博涉俱

務隙他日屏銀鈎森疎見矛戟倒屣喜旋歸盡地來所歷

乃聞土風質重見田疇開刺史似寇恂列郡宜競借以上述典

設之言北風吹瘴癘羸老思散策渚拂蒹葭寒嶠穿葛蘿

此身仗兒僕高興潛有激孟冬方首路強飯取崖壁以上自言

欲往施州歎爾疲駑駘汗溝血不赤終然備外飾駕馭何所益

我有平肩輿前途猶準的翩翩入鳥道庶免蹉跌厄數語規諷

子前冒暑有適我嘗惜之以爲子榮陽之秀出處必慎

豈宜妄有所行不道旅寓殊方竟以飢驅之故猶幸裴

爲故人意氣相期遂忘危險援危膝躡峻石一入施州

覽其山川城郭而喜可知也施州地接夜郎夷獠雜處

子前冒暑而往。吾方憂之。今子歸。話此邦有大慰。吾心
者。聽子言曰。施州俗朴。主客忘形。侯門禮數。與古無異。
宴會之際。珍羞繹絡。不以喪亂而務苟簡。良會之餘。得
叙瓜葛。往往流連。而至夜闌。况仕優則學。萬卷森羅。學
優而書。八法具備。卽銀鈎手筆。他日還許辱賜也。又爲
我詳畫所歷之路。若所攀援。若所登頓。以示雖險僻而
無害。又爲我詳述施州民皆賢實。田不荒蕪。無刺吏賢似
寇恂。施州列郡咸願借寇。我聞斯言。心竊嚮往。子前冒
暑適彼。我則羸病老人。必待天寒風勁。痺癢盡吹。方許
仗策。若則拂蒹葭之寒。崎嶇則穿葛蘿之羃。險僻之處。猶
仗兒童。強飯而登。直取崖壁。亦因高輿。播激擬於孟冬。
首路也。子今從施州歸。山川悠遠。駑駘罷矣。汗血亡矣。
外飾雖具。駕馭難充。我則有平肩之輿。無務外飾。但取
前途。可爲準的。雖入鳥道。亦可免蹉跌之憂。危也已。○
見性修靡。每會賓客。滋味品數。客有昧於名者。
故曰。勅厨倍常羞。見善書。故有銀鈎牙戟等句。

對雨

以下皆憂
亂之作

莽莽天涯雨江邊獨立時

二句對雨

不愁巴道路恐失漢旌旗

雪嶺防秋急繩橋戰勝遲西戎甥舅禮未敢背恩私

六句時事

如此雨勢我江干獨立何為哉巴中道路不慮難行漢家旌旗誠恐迷失也况西山雪嶺地接蕃夷此處之防秋宜急繩橋列戍控制三城此地之戰勝何遲得毋西戎與我本甥舅國亮和好未失恩私不背故爾毋煩戰勝耶○郭子儀嘗言吐蕃無道不顧舅甥之親公結句反用之

遣憂

時吐蕃入寇邊將告急程元振皆不以聞十月深入上方治兵吐蕃已度便橋上出幸陝州吐蕃入京師焚燒一空公聞志

悲題曰遣憂

亂離知又甚消息苦難真受諫無今日臨危憶古人

四句虛寫

紛紛乘白馬攘攘着黃巾隋氏畱宮室焚燒何太頻

四句實寫

國家亂離今日又甚但苦消息難真耳致此亂離者蓋
因今上不能受諫也若使受諫豈有今日今日臨危庶
幾憶昔但臨危而憶古人之言悔其不用亦已晚矣消
息何如傳聞乘白馬如侯景者因吐蕃之寇紛紛而起
着黃巾如張角者因吐蕃之寇攘攘而來紛紛攘攘勢
必焚燒可惜隋氏遺宮今日焚燒頻頻而見吾不解也
○受諫無今日向指柳伋一疏夫柳伋上疏在長安既
時乘輿既奔後此時受諫豈有及乎愚按是年四月郭
子儀數爲上言吐蕃黨項不可忽宜早爲之備上批於
和姓而不納至還京勞子儀曰用卿不早亦已晚矣祿
山時上皇方思張九齡之言遣使曲江致祭夫子儀知
吐蕃必寇而極言猶九齡之識祿山也代宗之勞郭子
儀猶上皇之思張九齡也公不忍明言托之古人耳魯
哀時子貢嘗辭吳盟季孫不能用後臨越難而思之曰
若在此我不及此夫梁末帝時段凝有異志末帝謂敬
翔曰朕居常忽卿言今急矣勿以爲對卿其教我受諫
無今日往往而然白馬黃巾是因吐蕃而亂者如高暉
以賊降吐蕃王獻忠荀豐王珙以迎吐蕃呂太一乘機
作亂正是紛紛攘攘者
隋氏亦爲本朝諱言

巴山

巴山以下諸詩俱寫時事所當諱言者故每用詩中字命題

巴山遇中使云自峽城來盜賊還奔突乘輿恐未回

二句承中

使云天寒邵伯樹地潤望仙臺狼狽風塵裏羣臣安在哉四句總寫乘輿未回意

我客巴山中使何緣得至中使云我從峽城至此耳計此時盜賊縱橫還應奔突乘輿蒙塵尚未還京然則乘輿今在何處或在陝此處有邵伯樹天寒可憫或在華此處有望仙臺地潤奈何乘輿狼狽尚屬風塵扈從羣臣離散何去中使必知其故矣○代宗十月丙子出奔丁丑車駕至華州幸魚朝恩營辛巳方至陝時吐蕃焚劫長安欲掠城中上女整衆歸國又還至鳳翔逼城請戰是還奔突車駕逗留尚未發陝是恐未回初上出幸官吏藏匿至華奔散無復供擬故曰羣臣安在

黃草

黃草峽西船不歸赤甲山下行人稀秦中驛使無消息蜀

道兵戈有是非

四句寫亂離

萬里秋風吹錦水誰家別淚灑羅

衣

二句憶成都

莫愁劔閣終堪據聞道松州已被圍

二句警當事

成都亂極矣以言水路黃草峽西之船不見其歸以言陸路赤甲山下之人行者絕少道梗如此此時長安得驛使一問消息無奈驛使不通此時蜀道兵戈援攘莫得真傳未卜是非何似遙想錦水空吹萬里秋風而我身不能去遙知別淚又濕幾家羅衣而彼處靡所依去年知道曾據劔閣爲亂今知道已滅劔閣之終堪據不必愁也聞今吐蕃又冠成都松州等處之被圍則大可憂耳蓋松州一帶關係全蜀節度其地者何以策之○蜀道兵戈句斷爲高適高適練兵於蜀牽制吐蕃未爲得策其是非尚屬未定警急二章可証

歲暮

歲暮遠爲客邊隅還用兵煙塵犯雪嶺鼓角動江城四句時事

天地日流血朝廷誰請纓濟時敢愛死寂寞壯心驚四句感懷

歲暮可歸而猶作客邊隅何故而還用兵只因西番入寇烟塵已侵雪嶺所以節度治兵鼓角直震江城似此用兵天地之間日有玄黃之血乃朝廷之上誰爲終軍其人我目擊時艱敢愛微軀自傷遲暮壯心勃勃而已
愁坐

高齋常見野愁坐更臨門二句十月山寒重孤城水氣昏

一句愁葭萌氏種迴左擔犬羊屯終日憂奔走歸期未敢

四句愁生所感

我愁坐高齋臨門一望所見野色不過山寒水氣耳不足愁也所愁者葭萌之處氏種迴絕懼有外心左擔之犬羊屯聚實逼處此如此時事只恐奔竄難免歸梓尚未有期耳氏種迴左擔犬羊屯終日憂奔走歸期未敢

種在外八冠者有吐蕃公慮吐蕃與氏羌相結爲亂也
觀公東西兩川說云竊恐備吐蕃先自羗子弟始然則
松維之間即雅子弟乘機竊發亦未可知故憂氏種之
類遠於葭萌其心叵測有反助吐蕃之事犬羊之族逼
處左擔實繁有徒有盡爲左
社之痛此愁坐時所關心者

警急

公自注時高適
領西川節度使

才名舊楚將妙畧擁兵機玉壘雖傳檄松州會解圍

四句
擬議

之親知計拙公主漫無歸青海今誰得西戎實飽飛

四句

見無
妙畧

高公舊爲淮南節度才名素著以有妙畧耳今日練兵
於蜀必能用兵如神者果爾則吐蕃入寇玉壘之險雖
傳蜀兵一臨松州之圍會解矣向者因無妙畧和親失
計公主不歸遂使青海茫茫盡爲吐蕃所有已事如此
今日警急全憑公之妙畧耳○時高適爲西山節度練
兵於蜀公意練兵於蜀不如急救松州警急命題以見

松州之圍勢關全蜀救援之師斷不容緩今適但練兵於蜀不聞移師赴援妙畧安在未幾松州一陷西山諸州盡入吐蕃和親四句正發明對雨章結意指前車為鑒也

王命

漢北豺狼滿巴西道路難血埋諸將甲骨斷使臣鞍牢落

新燒棧蒼茫舊築壇

六句時事

深懷喻蜀意慟哭望王官

結王命意

吐蕃入寇賊滿漢北豈獨漢北帥巴西亦梗塞難行矣諸將之戰死者甲血空埋使臣之往來者馬骨徒斷豈禦寇終無策乎近者吐蕃新入大震開然後詔焚大震開焚亦晚矣張良之燒絕棧道應不如是吐蕃已度便橋然後詔郭子儀子儀間廢日久纔得十一騎而行詔已遲矣漢高之築壇拜將應不如是今日蜀事雖松州被圍西山岌岌深懷喻蜀之意亦急望王命大將秉節而來一解蜀人倒懸耳○高適師出無功蜀人思得嚴武代適其後泰待嚴大夫詩云常怪偏裨終日苟

西山三首

西山為控扼要衝圖經云岷山巉絕獨立捍阻羗夷全蜀依為巨屏西山三首亦小雅匪茹整居之處

夷界荒山頂番州積雪邊築城依白帝轉粟上青天四句

蜀將分旗鼓羗兵助鎧鋌西戎背和好殺氣日相纏四句

夷界不遠只在荒山番境非遙近連雪嶺築城山上一如白帝城之高轉粟山邊不啻上青天之險守此者亦孔棘哉不但總戎蜀將亦外旗鼓以敵愾豈惟蜀兵羗兵亦助鎧鋌以前驅所以然者吐蕃背好殺氣相纏正未已也○西戎背好對兩章反說警急章挽往事至此始透

辛苦三城戍長防萬里秋煙塵侵火井雨雪閉松州四句

風動將軍幕天寒使者裘二句漫山營賊壘回首得無憂二句

此辭

三城之戍雖則罷民朝廷置此夫豈得已亦長防邊疆
華里秋訊不測耳今何如哉彼處煙塵已侵火井此問
雨雪空閉松州潰陷之象已見此時獨仗將軍運籌耳
將軍何爲朔風飄幕而已更憑使者臨邊耳使者何如
寒色侵裘而已西山一帶無非賊壘不盡沒於吐蕃不
止能無回首憂危也○西山防秋三戌明皇幸蜀時所
設高適上疏論之謂今所界吐蕃要衝不過平戎以西
數城又云坐甲於無人之鄉運糧於束馬之路以三城
列戍爲可撤者其防守之疎可知宜西山
諸處盡沒吐蕃此詩首二句實諷適也

子弟猶深入開城未解圍
鐵崖鐵馬瘦灌口米船稀

四句
危詞

以見無辯士安邊策元戎決勝威
今朝烏鵲喜欲報凱歌

歸四句
諷辭

西山之役子弟胥入兵力盡矣
兵力盡而賊圍未解子弟不免矣
戰必資騎上鐵崖者鐵馬既瘦馬尚堪戰否
士必需糧來灌口者米船既稀士猶宿飽否
兵盡矣馬憊矣糧竭矣或者安邊之策全仗辯士決勝之威尚賴

元戎信然則奏凱有日忽聞鵲聲似耶非耶
○子弟即公東西兩川說以雅子弟羌子弟

征夫

廣德元年十二月吐蕃陷松維保三州及雲山新築二
城西川節度使高適不能救劍南諸州盡入吐蕃征夫
一章正
是實錄

十室幾人在千山空自多路衢惟見哭城市不聞歌

四句總寫

漂梗無安地銜枚有荷戈官軍未通蜀我道竟如何
四句

蜀勢全敗人都陣沒千山巉峨空自多耳哭者載道歌
者無人我一身漂梗無地可安猶望士卒銜枚以圖再
舉其如官軍遙遙尚未通蜀我道其終窮哉○官軍未
通蜀仍望嚴武明年正月代宗以嚴武代高適
早花

西京安穩未不見一人來

二句感時

臘月巴江曲山花已自開

盈盈當雪杏豔豔待香梅

四句早花

直苦風塵暗誰憂客鬢催

應起意結

自九月吐蕃寇西京今應安穩奈驛使斷絕消息無從何夫消息偏遲臘月尚未乃山花獨早窮冬已開不見杏子盈盈當雪而放梅花豔豔待香而開明知花草無情催人頭白然我所苦者西京未安穩而風塵終暗客鬢之催亦聽之杏雪梅香而已矣○代宗十月幸陝十二月已發陝還長安公遠羈巴間尚未知也有傷春詩

自閬還梓詩

廣德元年

發閬州

前有毒蛇後猛虎溪行盡日無村塢江風蕭蕭雲拂地山

水慘慘天欲雨

四句發開時在道之景

女病妻憂歸意速秋花錦石

誰能數別家三月一得書避地何時免愁苦

四句發開時思家之懷

劍南頻年寇亂人煙斷絕所以今日發開蛇虎充斥村
塢無人俯聽蕭蕭者惟江風蓋吹雲拂地也仰見慘慘
者惟山木亦漫天欲雨也江山間豈無秋花錦石可供
客玩無奈女病致累妻憂歸意迫矣此秋花錦石更復
何心細數我客間三月幾一得書乃書中所云又以
女病妻憂亂人方寸我之避地何時得免愁苦已

舍弟占歸草堂檢校聊示此詩

久客應吾道相隨獨爾來孰知江路近頻爲草堂回

四句占歸

驚鴨宜長數柴荆莫浪開東林竹影薄臘月更須裁

四句

草堂檢校

處世誰堪久客獨吾道宜然耳乃隨我來者只有汝在
今日客棹亦孰知東西兩川江路原近頻頻遣汝亦不

過爲舊廬難捨耳。汝歸矣。尚務檢校哉。草堂有鶯鳴。汝宜長數門以內。不使疎失。如此鶯鳴類也。草堂有柴荆。汝莫浪開門以外。無容妄涉。守此柴荆可也。至於浣花溪竹。係我手植。遙想東林。其影必薄。汝歸乘臘。更加澆灌。庶來春新筍復有上番成竹之望。我囑汝檢校者如此。○或謂公此數語。近於瑣屑。不知彭澤之子侯門司徒之妻。擔糞。萬石兒。惟數馬。孔明身自栽桑。古來賢達皆然。他日公於宗文。則催樹雞欄。於鑒子。則督促芘稻。以至種種蒿苳。摘蒼耳。勒耕牛。修水筒。隸人伐木。園丁除草。蓋其克勤小物。正寓經濟於無用。以爲有用也。

冬狩行

公自注。時梓州刺史章彝兼侍御。留後東川。

章彝留後東川。置主憂不問。大閱東川校獵。自雄題曰冬狩。警其僭也。

君不見東川節度兵馬雄校獵。亦以觀成功。夜發猛士三千人。清晨合圍步驟同。禽獸已斃十七八。殺聲落日迴蒼穹。幕前生致九青兕。駢駟巋危垂玄熊。東西南北百里間。

髣髴蹴踏寒山空有鳥名鸚鵡力不能高飛逐走蓬肉味

不足充鼎俎胡爲見羈虞羅中

以上校獵

春蒐冬狩侯得同使

君五馬一馬驄况今攝行大將權號令頗有前王風

四句諷辭

飄然時危一老翁十年厭見旌旗紅喜君士卒甚整肅爲

我回轡擒西戎草中狐兔盡何益天子不在咸陽宮朝廷

雖無幽王禍得不哀痛塵再蒙嗚呼得不哀痛塵再蒙

以上

勉其勤王

留後節度東川兵馬旣雄可爲朝廷建功矣今日校獵疑有此功校獵何如夜發號令猛士三千晨使合圍步伐如一所得禽獸十數八九殺聲至晚猶然振天行幕之前已羅青兕駢駢之背又載玄熊合圍百里之中一空寒山之族大者殪矣小亦不遺如鸚鵡者力怯飛蓬肉慚鼎俎虞羅之內胡爲見羈校獵之雄如此夫春蒐

冬侍非諸侯事。今侯得同者，以留後既爲刺史，又兼侍
觀獵所喜者，以留後士卒如此，整肅往擒吐蕃，直摧枯
拉朽，至於草中狐兔盡殺，何益哉？今日朝廷行，惟幸陝
咸陽宮裏寂無一人。若論今王原無失德，何爲先帝以
來蒙塵，至再留後，誠念及此，亦當惻然哀痛也。○魯昭
公十五年，魯有鸛鳴來巢，九月，公孫于齊，次於陽州，代
宗幸陝，猶魯昭次陽州，其受制於程元振，猶魯昭受制
於意如，公曰：有鳥名鸛，鳴益欲章，見鸛鳴，思王上出奔，
今見鸛處，羅章無王憂，臣辱之意矣。公曰：胡爲犬是喚醒

山寺

公自注章留後
同遊得開字

野寺根石壁，諸龕遍崔嵬。前佛不復辯，百身一募苦。佳河

古殿存世尊，亦塵埃如聞龍象泣。足令信者哀。

以上寺使

君騎紫馬捧擁從，西來樹羽靜千里。臨江久徘徊，山僧衣
藍纓。告訴棟梁摧，公爲顧。兵徒咄嗟擅，施開我知多羅樹。

却倚蓮花臺諸天必歡喜鬼神無嫌猜以茲撫士卒孰曰

非周才窮子失淨處高人憂禍胎

以上諷留後

歲晏風破肉荒

林寒可迴思量入道苦自咽同嬰孩

四句自言

山寺依石佛龕遍山龕中諸佛已不復辨所見惟莽苔耳諸龕雖沒古殿尚存前佛既塵世尊亦爾於是龍象悲泣信者傷心安得出世尊於塵埃起前佛於莓苔哉幸使君騎馬西來臨江樹羽徘徊觀望若有餘哀山僧訴曰所以致此者棟梁摧頽之故也使君咄嗟檀施不吝從此復栽雙樹重倚蓮臺世尊之塵埃除前佛之莓苔洗諸天歡喜鬼神無嫌猜矣但使君之職在於拊循士卒誠修檀施以撫募下豈非弘濟之才今舍士卒施山僧在山僧如窮子遇父雖行藏不淨一切財物皆是子有信大歡喜但恐士卒離心使高人卽事憂禍胎耳今日歲晏風寒肌膚皸裂老夫身臨古寺自思入道蹉跎如嬰孩幼失怙恃亦足哀也○古殿比國世尊比君棟梁比大臣勉留後繼持君國無徒廣求福田利益也野寺根石壁結構未嘗不固諸龕遍崔嵬拱衛未嘗不尊

前佛不復辨列宗靈爽何存百身一募苦九廟灰燼殆盡惟有古殿存黃屋原無恙也世尊亦塵埃天子下殿走矣如聞龍象泣惟龍象斯泣足令信者哀惟信者斯哀當時泣論將士激烈赴難大聲疾呼以殉君國者惟郭子儀顏真卿段秀實柳伉幾人耳扈從將士不免凍餒猶之山僧衣藍縷所謂大臣不過元載諸人能無告訴棟梁摧使君執兵以往時糧以濟愈於顯兵徒開檀施也重扶車駕復還宮闕是使多羅樹倚蓮花臺也社稷安幽明慶是令諸天歡喜鬼神無猜也以茲撫士卒孰曰非周才是子儀諸公所推豈河北節度可比乃徒叱兵徒而厚施山僧不聞布德惠以拊循士卒況不修臣節妄觀非分如冬符合圍僧擬天子難免禍胎窮子本法華經窮子傭賃遇到父所受僱除穢行穢不淨其父宣言爾是我子今我所有的一切財物皆是子有窮子聞言卽大歡喜公以窮子比山僧得留後之檀施如窮子得父財失淨處卽行穢不淨意行穢不淨反得財物爲此諷耳自晒同嬰孩公遠離所天如失怙恃不如窮子之遇父故云然也

寄裴施州

廊廟之具裴施州宿昔一逢無此流金鏡大鑪在東序冰

盡玉衡懸清秋

四句裴施州

自從相遇減多病三歲爲客寬邊

愁

二句承宿昔一逢

堯有四岳明至理漢二千石真分憂

二句言廊廟之

器出爲刺史

幾度寄書白鹽北苦寒贈我青羔裘裴霜雪迴光避

錦袖蛟龍動億蟠銀鈎紫衣使者辭復命再拜故人謝佳

政將老已失子孫憂後來况接才華盛

以上自叙奉謝之意

裴公雖貶本廊廟器我自上元卜居浣花溪與公相逢已歎世間少此人物其器宇宏深鐘鳴東序其識鑒澄澈主映清秋宿昔相逢便減多病三年客蜀遂解邊愁今日思之極不忘川公以廊廟器出刺施州者得毋堯有四岳能明府事漢有二千石能分主憂耶我去成都流落白鹽山北棠公幾度附書貽以羔裘裘則錦袖之上霜雪迴光書則銀鈎之勢蛟龍蟠舞此時紫衣使者辭我言歸我再拜故人謝其嘉貺又遙慰我故人曰公

老矣老憂子孫公子孫濟濟何憂之有况子孫皆賢才
華斐然者施州之貶何足介意爲○是詩舊編永泰元
年冬公在雲安日作非按通鑑裴冕永泰元年三月已
復原官左僕射待制集賢院安得尚在施州曰裴施州
裴於寶應元年八月貶施州公於廣德元年冬在梓州
時寄無疑也所疑者白鹽山在夔之東屯東屯爲白鹽
北耳按夔爲南楚梓潼等處皆在夔北此句如朝廷僦
棧北數角漏天東等句法若編入東屯公於大曆二年
秋冬間移居東屯三年正月便已出峽在東屯不過三
四月安得施州有幾度寄書之理而曰幾度寄書白鹽
北也又按裴年已老大曆四年元載舉爲相史曰利其
老病易制未幾薨故此詩曰將老老人所憂者子孫已
失子孫憂卽相顧免無兒意裴爲衣冠名族其繼起者
才華必盛此二句亦因裴遭貶謫公以子孫才華慰其
牢落舊註謂公年老以子孫托裴未合

桃竹杖引贈章留後

江心蟠石生桃竹蒼波噴浸尺度足斬根削皮如紫玉江

妃水仙惜不得梓潼使君開一束滿堂賓客皆歎息

以上叙桃

竹憐我老病贈兩莖出入爪甲鏗有聲老夫復欲東南征

乘濤鼓枻白帝城路幽必爲鬼神奪杖劍或與蛟龍爭

以上

叙重爲告曰杖兮杖兮爾之生也甚正直慎勿見水踴躍

學變化爲龍使我不得爾之扶持滅跡於君山湖上之青

峯噫風塵瀕洞兮豺虎咬人忽失雙杖兮我將曷從

以上諷辭

梓州桃竹出於江心雖爲江妃所愛不得不爲使君所

取使君取此者憐我龍鍾必須扶杖遂攜之出入鏗然

有聲也我今日方有東南之征自白帝城鼓枻出峽一

路江山幽險異物必多此杖精玉不免爲鬼物蛟龍所

妬我勢必杖劍與爭敢負明賜杖亦當知自愛矣叮嚀

告曰杖生正直慎勿變化滅跡湖上失我扶持方今風

塵擾攘不但水有蛟龍幽有鬼神豺虎亦復載道雙杖

一失我安適從杖始終以正直自守可也○蜀中多故

章留後東川爲西南保障章好殺僂謗張威武似失朝廷所倚以屏翰意故曰爾之生也甚正直勸其乃心王室也慎勿踴躍學變化爲龍勉其恪共乃職也結到忽失雙杖吾將曷從亦早知其不免

自梓攜家閬州詩

廣德二年

將適吳楚留別章使君留後兼幕府諸公得柳字

我來入蜀門歲月亦已久豈惟長兒童自覺成老醜常恐

性坦率失身爲杯酒近辭痛飲徒折節萬夫後

以上在蜀昔如

縱壑魚今如喪家狗旣無遊方戀行止復何有相逢半新

故取別隨薄厚不意青草湖扁舟落我手

以上去蜀

春春章梓

州開筵俯高柳樓前出騎馬帳下羅賓友健兒簸紅旗此

樂誠難朽

六句宴別

日車隱見崑崙易霍噪戶牖波濤未足畏三

峽徒雷吼所憂盜賊多重見衣冠走中原消息斷黃屋今

在否終作荆蠻遊安排用莊叟隨雲拜東皇桂席上南斗

有使卽寄書無使長回首

以上叙適吳楚

我入蜀多年幼者長壯者老矣性生放誕與酒爲徒蜀
中節鎮多駟常恐失身履害辭酒徒學折節違厥性矣
我本縱壑魚焉能鬱鬱居此今爲喪家狗從茲偃偃何
之遊子有方衰老已無此態萍踪靡定行止亦復何拘
惟是新故交情各有厚薄今日取別情亦不同顧南行
何始萬里扁舟不意白青草湖始也梓州開筵柳前騎
馬樓下幕府諸公陪宴者續紛四座帳前健卒侑酒者
競弄紅旗樂哉此宴日車落林鳥喧我從此別矣此去
青草波濤何足介意三峽險惡亦姑聽之所憂者寇盜
充斥衣冠奔走耳自吐蕃入寇中原之音問杳然黃屋
之安危未卜北征旣斷聊復南遊爲遠適之梁鴻學道
遙之莊叟楚騷以東皇比君吳地以南斗爲極此行拜
東皇上南斗雖適吳楚敢忘王室哉至於使君微論有
使無使心期勿替亮不至金玉爾音遂有遐心也○落

訓始

江陵望幸

按史上元元年置南都於荊州爲江陵府仍置永平園
練兵三千人以扼吳蜀之衝廣德三年以衛伯玉有幹
畧拜江陵尹充荆南節度此時應有望幸之舉後
城上詩曰遙聞出巡狩傷春詩曰滄海欲東巡

雄都元壯麗望幸歛威神地利西通蜀天文北照秦風煙

含越舄舟楫控吳人

四句承雄都元壯麗

未枉周王駕終期漢武巡

甲兵分聖旨居守付宗臣早發雲臺仗恩波起涸鱗

六句承望

幸歛威神

江陵雄都由來壯麗一聞望幸忽覺威神天子時巡山
河動色也以言地利西通巴蜀以言天文北照長安南
則越舄飛來風煙不隔東則吳人至止舟楫時通壯麗
如此今日望幸雖曰周王大駕臨鎬未來猶望漢武旌

旗浮江過此甲兵之分由於聖旨信征伐之權自天子
出也居守之職付諸宗臣蓋君行則大臣守國付托得
人也雲臺之仗天邊早發涸轍之憐恩波立起望幸豈
偶然哉○宗臣指郭子儀代宗幸陝以子儀爲京城留守
將赴荆南寄別李劍州弟

使君高義驅今古寥落三年坐劍州但見文翁能化俗焉

知李廣未封侯

四句李劍州

路經灩澦雙蓬鬚天入滄浪一釣

方戎馬相逢更何日春風回首仲宣樓

四句赴荆州

使君高義驅今古寥落三年坐劍州但見文翁能化俗焉
知李廣未封侯
路經灩澦雙蓬鬚天入滄浪一釣
方戎馬相逢更何日春風回首仲宣樓
使君高義驅今古寥落三年坐劍州但見文翁能化俗焉
知李廣未封侯
路經灩澦雙蓬鬚天入滄浪一釣
方戎馬相逢更何日春風回首仲宣樓

仲宣樓以王仲宣比
王司直非謂其適荆

遊子

巴蜀愁誰語吳門興杳然

二句領至末

九江春草外三峽暮帆

前厭就成都卜休爲吏部眠蓬萊如可到衰白問羣仙

去蜀非無故此問人無可語愁故杳然發吳門之興耳
遙望九派長江只隔青草近看三峽險阻已臨危帆吳
門不在望與至若巴蜀問卜雖有嚴遵今已厭就酒徒
舊作吏部今亦休爲此去吳門縱浮海而到蓬萊亦所
願也與真杳然矣倘到蓬萊將稽首
而問羣仙所甚樂也何憂誰語哉

逃難

五十白頭翁南北逃世難

二句總

疎布纏枯骨奔走苦不暖

已衰病方入四海一塗炭乾坤萬里內莫見容身畔妻孥

復隨我回首一悲歎故園莽丘墟鄰里各分散歸路從此

迷涕盡湘江岸

將適吳楚故云

五十老翁棲皇南北逃難何無已時也而况骨枯氣衰諸病都入雖則逃難無地可逃一身莫容更兼妻子庶幾言歸故鄉其如桑梓墟鄰里散惟存雪涕滿湘江而已○愚謂此詩當在將適吳楚時一則蜀中多故正當吐蓄入寇後與本題逃難二字有合一則公欲出峽適荆楚與詩中涕盡湘江岸有合一則公年方五十一與詩中五十白頭翁有合或謂係大曆五年避臧玠亂入衡時作人衡公已五十九歲

行次鹽亭縣題四韵奉簡嚴遂州蓬州兩使君咨議諸

昆季

馬首見鹽亭高山擁縣青雲谿花淡淡春郭水泠泠

四句行次

全蜀多名士嚴家聚德星長歌意無極好爲老夫聽

四句奉簡

鹽亭四面皆山馬首望之縣與胥青其下縣為雲谿谿
上之花淡淡不俗其外郭為春郭春郭之水泠泠而清
行次所見如此計全蜀名士亦為不少乃嚴家德星獨
聚一門蓋既有兩使君又有諸昆季今日長歌奉簡用
意深長兩使君諸昆季幸為老夫細釋哉○鹽亭在梓
州左谷議諸昆季舊註謂是嚴震及其弟嚴礪震以財
投閭里至德乾元中數以貲財助邊得為州王府長史
咨議參軍詩曰全蜀多名士嚴家聚德星分明不以名
士許嚴但謂其一門多富宦耳按德宗幸梁時震為梁
帥具軍禮迎謁德宗令震登騎中書齊映叱震導駕曰
山南士庶但知有震不知有陛下今使蜀
地知天子尊耳是震不但以貲財雄蜀

倚杖

公自注
鹽亭作

看花雖郭內倚杖即溪邊

二句
題面

山縣早休市江橋春聚船

狎鷗輕白浪歸雁喜青天

四句
倚杖所見

物色兼生意淒涼憶去

年

二句
倚杖所感

鹽亭既有春郭又有雲溪我看花於彼迷倚杖於此矣
縣在山間故爲山縣而其市早休橋跨江上故爲江橋
而船於春聚山城草縣地僻境偏往來者少一日之中
人州在曉四時之內估客惟春也於時白浪險矣狎鷗
偏輕青天高矣歸雁獨喜物色中如鷗如雁都有生意
我法秋州家妻孥不保對此生意有回首轉漣其者矣

聞山歌

閬州城東靈山白閬州城北玉臺碧松浮欲盡不盡雲江

動將崩未崩石那知根無鬼神會已覺氣與嵩華敵

六句
聞山

中原終圖且未歸應結茅齋看青壁

結出下
居意

何山是白閬州之靈山獨白何臺是碧閬州之玉臺獨
碧所以然者靈山上雲浮松際欲盡不盡故白也玉臺
下石枕江流將崩未崩故碧也靈山玉臺皆神仙窟宅
其根必有鬼神來會故其氣象已與嵩華二嶽彷彿爭
高吾見閬山疑是嵩華吾見似嵩華者忽憶中原庶幾
有日歸中原再遊嵩華其如干戈未休何惟有結茅齋

於靈山玉臺處看青壁以卒歲而已。○
嵩在洛華在秦故觸中原故鄉之思

閬水歌

嘉陵江色何所似石黛碧玉相因依正憐日破浪花出更

復春從沙際歸巴童蕩槳歌側過水雞銜魚來去飛六句閬水

閬州勝事可腸斷閬州城南天下稀總前章結

有閬山卽有閬水爲嘉陵江江色之麗似石黛似碧玉
兩者難定殆相因依爲一色也何以有此黛碧蓋由嘉
陵日色已破浪花而出水嘉陵春色已從沙際而歸來
耳此時巴童愛此浪花蕩槳而過半歌半側此時水雞
愛此沙際銜魚而飛或去或來此皆閬水勝事况閬州
城南其山色秀麗如秋錦諸峯又爲天下所稀者此我
歌閬山卽思結茅於此也

陪王使君晦日泛江就黃家亭子二首

山谿何時斷江平不肯流稍知花改岸始驗易隨舟

四句
泛江

結束多紅粉歡娛恨白頭非君愛人客晦日更添愁

四句
使君

山當谿處何時斷者江於平時一似不肯流然江平流緩則舟行遲矣舟之行不知其改岸與否於花之去稍知其已改耳易之飛怪其與舟俱在今因岸之改始知舟行易亦隨舟來耳泛江之景如此此時舟以內有紅粉者結束何多有白頭者當歡而恨幸有使君愛人爲客置酒泛江不然我愁不轉添哉

有桺金沙軟無人碧草芳野畦連蛺蝶江檻俯鴛鴦

四句
就亭

日晚煙花亂風生錦繡香

二句應前結
束多紅粉

不煩吹急管衰老

易悲傷

二句應前歡
娛恨白頭

既泛江隨就亭亭上有徑因沙甚軟亭前有草無人自芳洲亭者有野畦畦光遠接蛺蝶疑連緣亭者有江檻檻勢低臨鷗鷺在俯未幾日晚煙花撩亂至於風生鏤繡飄香豈非結束多紅粉耶我年衰老悲傷易動使君

愛我者幸勿更吹急
管蓋歡娛恨白頭也

城上

時已收京巴園僻遠公
尚未知故有城上諸作

草滿巴西綠空城白日長風吹花片片春動水茫茫

四句城上

八駿隨天子羣臣從武皇遙聞出巡狩早晚遍遐荒

四句感懷

我客巴園又見城頭芳草萋萋已綠空城白日冉冉漸
長草綠花亦落經風吹而片片皆飛日長水亦盛當春
動而茫茫萬頃計此時隨穆天子者定有八駿從漢武
皇者亦有羣臣幸陝以來遙聞出狩自冬徂春遐荒應
徧鑿輿亦可回矣何其久不回也○代宗止幸陝公何
以有遐荒之語當年車駕東幸天下皆咎程元振元振
又以郭子儀新立功不欲天子還京師勸帝都洛陽焉
知不有八駿遐荒之舉忠臣愛君情見乎詞

送李卿晔

王子思歸日長安已亂兵霜衣問行在走馬向承明

四句王子

暮景巴蜀僻春風江漢清晉山雖自棄魏闕尚含情

四句目傷

國方亂也王子何爲歸也其如至尊蒙塵扈從無人何獨吾垂老巴山傷春江上往年靈武之賞既悲不與今日從亡之役又復不及介推晉山雖然自棄敢以江湖忘魏闕哉○重耳反國時從行諸臣駢首爭功肅宗收京後靈武諸臣亦然公往往形之詩如洗兵馬詩曰汝等豈知業帝力送張山人詩曰文公賞從臣秋峽詩曰嘗怪商山老兼存翊贊功而已則壯遊詩曰之推避賞從此詩曰晉山雖自棄意深遠矣

釋悶

四海十年不解兵犬戎也復臨咸京失道非關出襄野揚

鞭忽是過湖城豺狼塞路入斷絕烽火照夜屍縱橫

六句叙亂

天子亦應厭奔走羣公固合思昇平但恐誅求不改轍

聞道嬖孽能全生江邊老翁錯料事眼睛不見風塵清以上

願望是

自祿山作逆至於今吐蕃復亂海內久不解兵矣安史之亂猶曰內寇吐蕃外患何以亦然昔者黃帝至襄城之野七聖迷轍陳州之幸非如黃帝訪大隗也晉帝察王敦之變中道留轍陳州之幸不啻晉帝過湖城也亂至於此朝廷播遷一而再奔走亦應厭矣亂極必治氣數且然諸公豈無意也深思致亂之由不過誅求無藝今日但恐如舊天下怨恨之氣多由嬖孽弄權今日何可全生天子厭奔走而回鑾羣臣思昇平而佐治誅求改嬖孽傷庶釋我悶但恐老翁計左料事多錯風塵之靖何日之有我問終誰釋哉○嬖孽全生指程元振傷春五首

公自注巴間僻遠傷春罷始知春前已收宮闕

天下兵雖滿春光日自濃領起西京疲百戰北闕任羣兇

雖滿承兵開塞三千里煙花一萬重承日蒙塵清露急御宿且

誰供殷復前王道周遷舊國容蓬萊足雲氣應合總從記

六句錫
春之指

天下多故矣乃兵雖滿不礙春光也兵何以滿蓋自吐
藩入寇致一時將士百戰幾疲而北關羣寇又任其紛
紛爭相僞立至於春光開塞之遙雖隔千里煙花之麗
依舊萬重所可傷者如此春光使至尊蒙塵供帳寥落
遙想行在淩其中露耳所望車駕還京亟圖恢復為殷
宗周宣則蓬萊殿上雲氣依然扈駕諸臣從龍不乏庶
不負此春光濃艷也○雲比臣龍比
君代宗出幸羣臣離散公以此謝之

鶯入新年語花開滿故枝天青風卷幔草碧水通池

四句
承春

說光牢落官軍遠蕭條萬事危鬢毛原自白淚點向來垂不

是無兄弟其如有別離

六句蒙兵
雖滿說

巴山春色靜北望轉透

迤

結援
春光

春光之濃，鶯語矣。花開矣，仰見天青，俯見草碧矣。其如
兵滿天下，何世亂極矣。援兵不赴，萬事都危。髮白非假，
強為淚點，非緣今日。豈獨行在無信，直至
兄弟分飛，雖有春光，曷禁北望神傷已。

日月還相闔，星辰屢合圍。不成誅執法，焉得變危機。大角

纏兵氣，鈞陳出帝畿。

六句天象

煙塵昏御道，耆舊把天衣。行在

諸軍闕，來朝大將稀。

四句人事

賢多隱屠釣，王肯載同歸。

結出用賢

圖治意

日月闔陰勝陽矣。星辰圍象緯變矣。此危機也。還闔屢
圍者，都因執法未誅耳。危機焉得變耶。危機不變，直至
大角帝座盡纏兵氣，鈞陳行宮亦出天垣。此天象即人
事於時御道而上無非煙塵，華策之人獨有耆老諸軍
潰散，不知所之。大將跋扈，不來救援。執法不誅，一至於
此。豈無賢人隱於屠釣，可為朝廷戮力者，不識我王出
狩之暇，肯載同歸與否。○執法即焚惑星時程元振焚
惑代宗以召亂，柳伉上疏謂陛下必欲存宗廟，猶斬元

振首馳告天下上以元振有保護功止流漆州是不成
誅執法大角爲帝座鈎陳卽紫微纒兵氣則京師陷出
帝畿則乘輿奔語語有會時李光弼擁兵
徐州畏元振遲留不進是來朝大將稀

再有朝廷亂難知消息真近傳王在洛復道使歸秦奪馬

悲公主登車泣貴嬪蕭關迷北上滄海欲東巡

六句承清
首二句

敢料安危體猶多老大臣豈無嵇紹血霑灑屬車塵

結意
自况

安史亂於前吐蕃亂於後朝廷之亂亦屢矣無如道遠
消息難真何或曰我王在洛或曰使者歸秦或曰公主
奪馬而奔或曰貴嬪登車而泣或曰大駕欲入蕭關既
迷北上或曰至尊欲浮滄海早晚東巡消息難真如此
雖安危之體我輩難知然老大之臣草野不乏但不得
身爲嵇紹親捍乘輿灑血屬車之上耳何爲扈駕無人
一至於此○平準書上北出蕭關釋閔章云江
邊老翁錯料事此曰敢料安危體料字一例

聞說初東幸孤兒却走多難分太倉粟競棄魯陽戈胡虜

登前殿王公出御河

六句叙亂

得毋中夜舞誰憶大風歌春色

生烽燧幽人泣薜蘿

四句傷春之指

君臣重修德猶足見時和

總結五章

羽林孤兒朝廷養成以備一旦之用今駕東幸却走多倉粟雖儲陽戈自倒人心既離糗糧甲兵皆不足恃而吐蕃入大駕奔矣此時豈無聞雞起舞如劉琨者乃誰憶大風思猛士以守四方如漢高者遂使長安春色淒其烽燧之中故國幽人腸斷薜蘿之下不禁傷春之至也大修德可以弭亂君臣同心可以召和和氣致祥即吐蕃易滅太平立見是在今上耳

收京

復道收京邑兼聞殺犬戎衣冠却扈從車駕已還宮

四句收京

尅復誠如此扶持在數公莫令回首地慟哭起悲風

四句勉之

今日京邑復道已收兼聞馬璘等背城擊賊俘斬千計
前此幸陝扈從無人計此時衣冠諸臣却來扈從也
從之功及今已晚蓋此時至尊車駕早已還宮也
京收矣所難者收京後耳今日尅復之功幸而如此他年扶
持之力全仗數公倘扶持不力是使我回首收復之地
更爲慟哭亂亡之地諸公幸毋然哉○復道句蒙安史
亂後有復收便有復失言下將前車之覆悚然拈出尅
復二句卽洗兵馬詩已喜皇威清海岱還思仙仗過崆峒
峒所謂平吳之后正煩聖慮也未幾僕
固懷恩引回紇吐蕃入寇京師震駭

巴西聞收京闕送班司馬入京

聞道收宗廟鳴鑾自陝歸傾都看黃屋正殿引朱衣

四句聞收

京劍外春天遠巴西驛使稀

二句隱發聞字

念君經世亂匹馬向

于嚴

結還送司馬入京

示廟以萃天下之渙收京則收宗廟矣聞道宗廟收鑾
輿亦歸於時傾都而看至尊喜其無恙正殿而臨朝會

共引朱衣收京如此當此劍外春天消息既遠巴西勅使往來又稀何幸得聞收京之信顧我徒聞耳君則入京矣久經世亂匹馬入朝念君獨能如此留滯者不能是足傷也○題曰收京閣詩曰收宗廟宗廟所以率漢當時車駕發陝州顏真卿請上先謁陵廟元載不從真卿怒曰朝廷豈堪相公再壞耶公先曰聞道收宗廟然後曰鳴鑾自陝歸語得大體

送司馬入京

羣盜至今日先朝忝從臣

二句自言

歎君能戀主久客美歸秦

二句送

黃閣常司諫丹墀有故人向來論社稷爲話涕霑巾

四句發明先朝忝從臣句

羣盜之亂直至今日念我先朝亦是侍臣流落至此戀主之義安在歸秦之日何時耶歎君亂後偏能急君之難同是久客獨有故園之歸君歸矣我忝侍從當年黃閣亦常司諫今日丹墀應有故人我向來爲社稷計上

封事焚諫草子歸京後幸爲寄語故人先朝
侍從某人者至今話及社稷尚涕泗霑巾也

杜詩闡卷十六終